

## **Rentmeesterrekening Merode, jaar 1417/1418, inv. nummer M 691**

Toelichting :

Dit jaar 1417/1418 leverde voor de vrouwe van Herlaer een negatief saldo op van 63 gelderse guldens (afgerond).

Afgeronde bedragen inkomsten :

1. Cijnsen in geld en natura	172 gulden 26 plak
2. Verhuur van molens/hoeve	629 gulden 26 plak
3. Slaggeld	45 gulden
4. Verhuur beemden/gronden	176 gulden 22 plak
5. Houtschat	32 gulden 21 plak
6. Geheven boetes (broken)	111 gulden 24 plak
Totaal	1168 gulden 12 plak

Afgeronde bedragen uitgaves :

1. Erfelijke rentes	819 gulden 32 plak
2. Diverse vrouwe van Herlair	209 gulden 23 plak
3. Reparaties onderhoud	132 gulden 25 plak
4. Reparaties sluis	50 gulden 12 plak
5. Ijzerwerk etc. molens	14 gulden 2 plak
6. Onderhoud Udenhout	5 gulden
Totaal	1231 gulden 22 plak

Negatief saldo voor de vrouwe van Herlaer 63 gulden 10 plak

Koersen :

Alhoewel in de rekening wordt gesteld dat een oud schild een waarde heeft van 30 (misschien staat er 29) boddraggers is er ook sprake van een koers van 22 en een halve boddrager voor een oud schild. Een andere vermelding voor een oud schild is een koers van 3 gulden 12 plak, dat overeenkomt met 39 plak voor een oud schild, mogelijk verwijzingen naar (veel) oudere koersen en dus eerder jaartallen. Waar wordt genoemd de gelderse gulden is die gelijk aan de latere arnoldusgulden gemunt door hertog Arnold van Egmont (1423-1473). Zie de volgende rekeningen.

Verdere koersen :

1 pond ouds = 10 lichte schilden

1 licht schild = 1/3 e lichte gulden  
1 hollandse gulden = 2 lichte gelderse gulden  
1 boddrager = 4 plak  
1 gelderse gulden = 9 bodden (of boddrager)  
1 gelderse gulden = 36 plak  
1 rijns gulden = 20 bodden (of boddrager)  
1 oude grote = 2 bodden (of boddrager)

J. Toirkens, Chili, 31 januari 2012

=====foto7366=====

Rekeninghe Wouter Gruijters scouteth ende rentmeester slands van Herlair van wegen der edele vrouwe Marien van Randenrode vrouwe des lands van Herlair, Duffell ende van Herlair, dair allet dat die vorirschreven Wouter ontfaen ende vutgegeven heeft vanden chijnsen, renten ende pachten ende oec dander profaeyen (?) broeken vervallen ende opcomingen den voirschreven scouweden ende rentmeester toekomende zijnde den XXIVsten dach van aprillen int jair XIII C ende seventhien dat die lesde rekende toe..... X.. dach van apprille int jair XIII C ende achttien die welke rekeninge gedaen is in alrehanden munten die alle gevalueert zijn in lichten gelderse gulden, drie lichte scilde voirden gulden te weten een vrencx crone voir drie lichte gulden, enen auden scilt voir XXX bodden, (of staat er 29?) een hollandse gulden voir XVIII bodden ende een Bosch pondt voir X bodden

Eerst in erfeliken renten verschinende en vallende tot alrehande terminen hier na verclairt.

Ierst in Nuenen van goede ten Leemculen te Beloken Paesschen CIIII C ende achttien VI ½ auden groten maict XIII bodden valent 1 gulden XIX ½ plack

Vanden chijnsen in Vucht van Sunte Lambrechts dage XIII C ende seventhien boven den chijns die ... weder vytgeet VIII auden groten maict 1 gulden XXXII plack

Vanden chijnsen in Ghestel van sunte Machielsdage XIII C ende XVII, C XVI gulden

Vanden chijnsen in Ghemonde verschenen sunte Mertens dage XIII C ende XVII boven 10 auden groten die Heyn ten (?) Bosch dair vut heeft, XXV gulden

Vanden chijnsen van den Bellenbroeck daude terminen van sunte Jansmisse XIII ende XVII ende van Kersmisse dair naest volgende ses pondt audts gelts voir tpont X licht scilde valent XX gulden

Van den guede ter Heyde vanden terminen van sunte Jansmisse XIII C ende XVII ende van Kersmisse dair naest volgende L scillingen audts gelts valent tpont X licht scilde, VIII gulden XII plack

Summa C LXX gulden XXVI ½ plack

=====foto7369=====

Ander ontanc van pachten verschenen ende gevallen sunt Jansmisse XIII ende XVII ende te Korsmisse dair naest volgende

Eerst van Heynen ende Peter Moelners tot Harlair vander corenmolen ende runmolen tot Herlair vander terminen van Sunte Jansmisse XIII C ende XVII, L aude scilden die maken den auden scilt gerekent XXIX boddregers, CLXI gulden III placjken dair af gerekent, betaelt bi mijnre voirschreven vrouwen XXIII geback, elc geback V sester roggen maict XV mud roggen ende dmud VII gulden maict C VI gulden. Item een half vymen stroes XII plak, Heyn van Os twee dage russelen gemaict XXIII placken, Heynen van Os van dachueren III gulden II plack, een pleyt leems XXIII plack van stille staen IIII gulden, een mander boeckweyts II gulden dat Goessen Poet had vergeten te rekenen maict te gader C XVI gulden XXVI placken. Aldus bleven si int clair sculdich vanden voirschreven termine XL III gulden XXX plack dair om hier die voirschreven XLIII gulden XXX plack

Vanden voirschreven moelneren van den terminen van Korsmisse XIII C ende XVII, L aude scilde die maken den auden scilt gerekent XXX bodden, C XLVI gulden XXIII plack dair op gerekent, betaelt XXIX geback elc geback V sesters roggen ende mud boeckweyts elken sester XVIII plack, maict LXXVI ½ gulden, Heyn van Os twe dachueren XXIII plack, Jan Kockens (?) ende sijn knape III dachueren sdaechs XIII plack maict LVI placken. Item Emmen die timmerman aen die moelen getymert van Sunte Mertensdach tot opten Kersavont maict XXVII dage ende na Korsmisse XII dage ende binnen dier tijt vijf mudde russelen twe gange houts ende oic andere werc gemaict sdaechs XIII plack maict XV gulden VI plack, van XV dagen stille staens X gulden ende enen nuwen steenreep wegende XLIX pondt elc pondt een leuken (=leeuwken) maict III gulden XXXI plack maict tsamen C VII gulden XXVIII plack. Aldus bliven di int clair sculdig vander voirschreven termine LVIII gulden XXXII plack, dair om hier die vorschreven VIII gulden XXXII plack.

Van Meus den Olislager vander olymolen tot Herlair vanden termninen van sunte Jansmissen XIII C ende XVII, XI hollandse gulden, die maken den gulden XVII boddreger, XX gulden XXVIII plack, dair af die vorschreven Meus betailt heeft mijnre voirschreven vrouwen II C koecken maken II gulden, Heynen Dommelen (?) van leyden ende graven II gulden X placken maict tsamen III gulden XXIII placken, aldus blijft hi int clair sculdig vander vorschreven termine XVII gulden

=====foto7372=====

Vanden voirschreven Meus van der voirschreven olymolen vanden termine van Korsmisse XIII C ende XVII, XI hollandse gulden die maken den gulden XVIII boddreger XXII gulden, dair af die voirschreven Meus betailt heeft mijnre voirschreven vrouwen boven een mandersats die mijn voirschreven vrouwe hem scinde XXVIII quarteren olys die quarte XXII vlieger maict III gulden XXX II placken, aen Peter den Molenaer twe steen vlas maict I gulden XXVIII placken, Heijn (?) Gerits den Smijt vander olypannen te vermaken XXIII plack, item Emmen die tijmerman vermaect dat russelen ende dat camprat boven die olypanne twe dage maict XXVIII plack compt te gader VII gulden III plack. Aldus blijft hi sculdich van de voirschreven termine XIII gulden XXXII plack

Van Colen den moelner vander wijndmoelen op die Dunghen vanden termijne van sunte Jansmisse XIII C ende XVII XXVII ½ hollandse gulden, valent den gulden XVIII boddreger, LI gulden XXXIII plack

Vanden voirschreven Colen vander voirschreven wijndmolen vanden termine van Korsmisse XIII C ende XVII, XXVII ½ hollandse gulden maict den gulden twe lichte gulden LV gulden dair af gelaten van enen gr... houts dair aen getymert bij Emmen den tymerman dair hi over was drie dage maict XLII plack ende enen binnereep ende butenreep voir III ½ gulden maict samen III gulden XXIII plack. Aldus blijft hi sculdich van den vorschreven termine LI gulden VI plack.

Van Jannen van Keeldonc die thof goet van Herlair houde in pachte ses jair lanc ingaende te Pinxten XIII ende XVI om LXXXV hollandse gulden siaers te betalen voirschreven vrouwen Lichtmissen dair om hier den terminen van onser vrouwen Lichtmisse M CCCC ende seventhien dander seste payment LXXV hollandse gulden valent den gulden XVIII boddreger, C XX gulden

Vanden drie gueden in Udenhout die Peter van den Scoet, Peter Vermijn ende Heyn van Vucht hauden in pachte om CX ½ hollande gulden siaers

te betalen sunte Petersmissen ende te Paesschen dair om hier den termijne dair sunter Petersmisse M CCCC ende VII ende van Paeschen VIIII C ende XVIII, C ende X ½ hollandse gulden valent den gulden twe gulden, II C XXI gulden

Somma VI C XXIX gulden XXVI plack

=====foto7375=====

Ander ontfanc van slagen opdie beemde die verhuert waren inden vasten XIII C ende seshien met om datse in die voergaende rekeninge gerekendt sijn ende dat van der cope van houte.

Eerst van Zeelken van Tuyl, Dirc Jan Dirx soen en van Henneken sinen brueder van den elsenhoute die stont inden werdt tot Herlair toehoerende mijnre vorschreven vrouwen van Duffele ende vercoft den vorschreven Zeelken, Dirc ende Henneken om XLV gulden dair af die betaeldach was te Bamisse lest leden dair om hier die vorschreven XLV gulden

Van Wouter Brant, Brant van Aerle ende van haren gesellen vanden elsen houte dat stont op dye guede in Udenhout ende toehorende was mijnre voirschreven vrouwen vercoft den voirschreven Wouter ende Brent om C ende VI hollandse gulden gelic die scepenbrieve dair af gemaict dair af begrepen, mer om dat mijnre voirschreven vrouwe die selve ontfien heeft toe haren profitjt dair om hier niet

Somma XLV gulden

Ander ontfanc van der hueren vanden beemden van Herlair verhuert inden vasten XIII C ende seshien dair af die termine van betalingen waren sunte Mertensmisse XIII C ende seventhien

Eerst ban Gherijt van der Aa vanden Hogen Havercamp houdende acht merghen of dair omtrent XXXI gulden

Van Jan van Keeldonc vanden perde campe houdende acht merghen XVIII gulden

Van Gherit van Mulsen vander Verkenshorst XXIIII gulden

Van Heyn Weggen vanden merghen bider Verkenshorst IIII ½ gulden

Van Claes Lijbrechts vander Emkens beemt XVII gulden

Van Willem van Tuyl van den Havercamp biden Huls XVII gulden

Van Gherit Scuijck vanden Werdt VI gulden

Van Weygeselle vanden Gemeynen Mortel II ½ gulden

Van Agnese Wege van den Clyenen Mortel I gulden III placken

Van Lauken den Kock van enen merghen in die Torft IIII ½ gulden

Van Henrick van Zegeworp die dwerch van enen mergen in die Torft IIII ½ gulden

=====[foto7378](#)=====

Van Heyn den Bosch vander twe merghen nuwer ..baren (?) VIII gulden

Van Jan Berwouts van der Ourbeken (?) XVII gulden

Van Welltken Sgreven van den Gheer VI ½ gulden

Van Berthout Hennens van den beemtken bi der sluysen XV gulden

Somma C LXX VI gulden XXII plack

Ander ontfanck van houtscat verschenen ende gevallen binnen die tijt van deser rekeninghen

Eerst van Aben van Beke die drie willigen vercoft dair af gegeven van houtscat XII plack

Van Jan van Erpe op die Dunghen van een hondert rijs V plack

Van Vrancken Knoep dye hout op sijns selfs erve gehouwen heeft dat hy selve tymert ende bornen woude dair af van houtscat III gulden

Van Jan Aben die hout coft om XXV gulden dair af van houtscat V gulden

Van Eerken Quap die hout coft om XII gulden dair af van houtscat II ½ gulden

Van Peter Aechten die hout coft tegen Heynen van den Lande om X gulden dair af die houtscat II gulden

Van Jannen van Keeldonc die hout vercoft Coelen Pepersoen en Goeden Vale soen om XXX gulden dair af van houtscat VI gulden

Van Jannes van Gerwen die toe Ghemonde eykenhout vercoft om XXXV cronen gulden dair af den houtscat VII cronen die mijn voirschreven vrouwe selve geboirt heeft

Van Henrick van Knoden soen van VII C rijs I gulden

Van Dirc den Moelner die een scopken vercoft daer af van houtscat XXVIII ½ plack

Van Rutger Scoemaker die eykenhout vercoft dat XII gulden gaut dair af van houtscat om dat een arm man is II gulden

Van Dirc Cruijden (?) soen die bornenhout coft om VI gulden dair af van houtscat I gulden III plack

Van Arndt Dicbier die elsen boemen hout vercoft om L gulden dat verhoutscat aen mijn voirschreven vrouwe om den sevenden penninck maict VII gulden VI plack

Van Goessen Jan Duppens soen van houtscat V boddregers maict XX plack

Somma XXXII gulden XX1 plack

=====foto7381=====

Ander ont fanc van broken verschenen ende gevallen binnen der tijt van dese rekeninghen

Eerst van Weltken Sgreven die een gebot wedersede dat van mijns vrouwen wegen van Duffel inder kercken tot Ghestel geleet wer, dat gepoint want hi genade voir recht koes om L gulden dair hem afgeslagen die welc mijn voirschreven vrouwe hem sculdich was van sijnre rekeningen gedaen biden scouthet ende scepenen van Ghestel VI gulden. ALdus mer ontfaen van den voirschreven Weltken XLIIII gulden

Van Goeyken Scuijck die konijn had helpen eden die mijnre vrouwen gestolen waren dat gepoint bij mijnre voirschreven vrouwen ende haeren scepenen om IIII gulden

Van Heynen Jan Gielis soens doen die sijn koe int los had laten gaen boven dat inder kercken verboden was dat gepoint om II gulden

Van Ghiben Mutsaert die Dircken van den Wiel sijn erve ontgraven hadde dat Ghiben biden scepenen ende gebueren af gepeelt wer, dair Ghijb aen gebroect soude hebben twe werf III ½ libra dat gepoint biden scepenen van Gestel tot mijns vrouwen behoef om VII gulden

Van Rueben Buerincks van Essche die sinen waterlaet niet geruymt en hadde die geboden was te ruymen als boven dat gepoint bi der scepenen om I gulden

Van Jan Dirx soens kijnderen die haeren waterlaet niet geruymt en hadden die geboden was te ruymen als boven dat gepoint om I gulden

Vanden beghijnken van Orthen die Zuijlekems waterlaet niet en hadde doen ruymen hi en wer bestaet te ruymen dat gepoint om II gulden

Van Gherijt den Werdt omdat zijn maet te cleyn vonden was, sijn bier af geset was biden koormeesteren ende niet tappen en woude en de sijn broet dat hi gebacken hadde niet wegen en liet dair hij aen gebroect hadde tot mijnre vrouwen behoef V pondt dair voir ontfaen VI gulden

Van Everaet den Tapper (?) op die Dunghen die sijn maet biden koormeesters te clijn was vonde dair hi aen gebroect hadde tot mijnre vrouwen behoef een pondt dair af ontfaen I gulden

Van Jan Vos tot Ghemonden die bier geweijsert hadde te tappen dat af geset was, dair af tot mijnre vrouwen behoef I gulden

=====foto7384=====

Van Dirc Ringhel dien inder scouwen tot Gemonden een vonnisse gemaent wer ende dat niet en wijsden alsoet behoirlic was dat gepoint biden scepenen van Gestel om II gulden

Van Gherit van den Beerselair die tot Gemonden in voirtiden een messe getogen soude hebben des die scouteth niet betugen en const dat gepoint om XXIIII plack

Van Jan van Mijngnen die tot Gestel Peteren van der Leet diefte (=diefstal) aen street ende beval den vorster dat hi Peteren dair voir hauden soude, dat gepoint bij mijnre vrouwen selve tot mijnre vrouwen behoef om XL gulden dair die taeldach af was acht dage na sunte Jans dach Baptiste dair om hier die voirschreven XL gulden

Somma C XI gulden XXIIII plack



Somma van alden ontfanghe XI C LXVIII gulden XII ½ plack

=====foto7386=====

Vuytgeven Wouters scoutethe ende rentmeester voirschreven ende ierst in erffelicken renten verschijnende ende vallende toe allerhande terminen hier na verclairt

Eerst Gherit van der Aa Geritsoen die jairlix ende erffelic heeft uter heerlicheit ende rentes slands van Herlaeir C ende XX aude scilde siaers te betalen tot tweent termminen te weten te meye ende sunts Jansmisse dair om hier den termine van meye M CCCC ende XVII ende van sunte Jansmisse dair naest volgende C ende XX aude scilde valet den auden scilt III gulden XII plack, IIII C gulden

Joffrouw Aleyt van Os die uten voirschreven lande ende renten jairlix ende erffelic heeft XXII aude scilde te betalen te Bamisse dair om hier den termine van Bamisse M CCCC ende XVII, XXII aude scilde valent den scilde XXII ½ boddreger, LXXII gulden III plack

Dirc van Dryel die uten voirschreven lande ende renten jairlix ende erffelic heeft bu huwelixsche vorwarden van Willem Jan Zeris XL VI paude scilden te betalen te Korsmisse dair bom hier deb termine van Kersmisse M CCCC ende XVII , XL VI aude scilde valent debn scilt XXX boddreger , C L IIII gudlken XII plack

Ghijsbrecht Roesmont die jairlix ende erffelic heeft uten voirschreven lande ende renten telken onser vrouwen misse Nativitatis XX pondt Bosch gelts te leene dair om hier den trermine van onser vrouwen misse Nativitatis M CCCC ende XVII, XX pondt, valent tpondt X boddreger, XXII gudlen VIII plack

Den selven vanden termine van onser vrouwen misse vooirschreven XIII C ebde XVI die welkc hem afterstellich stonden XX pondt m dair voir ghem gegevenb X pondt valent tpondt als boven, XII gulden IIII plack

Den Heylgeets van den Bosch die jairlix ende erffelic heeft uten voirschrevenb renten XX pondt Bosch gelts te betalen te Kersmissen dair om hier Kersmissen M CCCC ende CVII , XX pont valent tpont X boddreger, XXII gulden Viii plack

Gherit Moninck due jairlix ebde erffelic heeft uten voirschreven renten XXV pondt Bosch gelts te betalen te Korsmisse dair om hier Kersmisse M

CCCC ende XVII , XXV pondt valent tpondt als boven, XXVII gulden  
XXVIII plack

Dirc van Ghemert die jairlix ende erffelic heeft uten vorschreven renten  
L rijns gulden, te betalen tonders vrouwe Lichtmisse dair om hier onser  
vrouwen Lichtmisse M CCCC ende XVII , L rijnsgulden, valent den  
gulden XX bodden, C XI gulden IIII plack

=====foto7389=====

Ander vutgeven in orber mijnre voirschreven vrouwe

Eerst dat mij voirschreven vrouwe, wanter scoutethe sculdich bleef bi  
sijnre rekeningen hair lest gedaen alsoe bider voirschreven rekeningen  
blikken mach LIII gulden XXII plack

Item geleent mijnre vorschreven vrouwen sondaechs voir sunte Jans  
dach Baptiste doen die scutde (=schut) te Gestel scoten drie geliker  
rijnsgulden dair my vrouwe den scutden twee gulden af scencken valent  
den gulden XVIII ½ boddreger, VI gulden VI plack

Item der selver by Goessen Poet dair hi die swouxsoenen (?) toe Herlair  
mede loende, XXII boddreger, maict II gulden XVI plack

Item der selver bi Jannen den Visscher totder zegeren behoef X gulden

Item Lijsbetten mijnre vrouwen maight tot Herlair van haren loen X  
gulden

Item Lauken mijnre vrouwen koc van sinen loen V gulden

Item Heynen den Werdt van XLVI maeltiden in die Kalandere tot  
Gemonden gedaen elc maeltijt XIII vliegere maict IIII gulden XXVI plack  
dair af die voirschreven scouteth ontfaen heeft III gulden van enen mud  
rogge datmen vanden Kalender lande ghilt dair om hier I gulden XXVI  
plack

Item mijnre voirschreven vrouwen geleent bi Gielis den Gruyter ende  
Kolen Peters sdonresdaechs na onser vrouwen dach conceptionis opter  
broeck van Geyben Scuijck IIII gulden

Item selven dach biden selven III quarteren wijns maict XII plack

Item sdonresdachs na sunte Lucien dach doen Emmen die tymmerman  
gehuert wer III quarteren wijns maict XII plack

Item mijnre voirschreven vrouwen geleent op sunte Thomaes avont om boecweyt mede te copen VII gulden

Item op die selve tijt geleente mijnre voirschreven vrouwen bi Gerit van Mulsen een vranxe crone valet III gulden

Item mijnre voirschreven vrouwen swoendaichs nader thiendach boecweyt mede te copen III gulden

Item der selver bi Willeken haeren knecht tot enen mud ghersten III gulden IIII plack

Item den selven Willeken tot enen mander boecweyts I ½ gulden

Item tot mijnre vrouwen huys verleet X quartern wijns doen Hubrecht van Ghemert, Danel Roesmont, Jan Pастeybecker, Zutte Wellens ende meer andere dair aten die quarte XVI vlieger valent I gulden X placken

Item mijnre voirschreven vrouwen geleent van Ghijsbrecht Roesmonts heergewede X pondt Bosch gelts valent XI gulden III plack

Item gegeven Heynen van Bosch van sinen gebreke doe mij voirschreven tegen Heynen voirschreven coft enen dijamant V boddreger maict XX plack

=====foto7392=====

Item gegeven Willem Vos van XI dagen spadens tot Herlair sdaechs XI vlieger valent XXXIII ½ plack

Item gegeven Goessen Poete van scapen tot mijnre voirschreven vrouwen behoef gecoft III ½ gulden

Item gecoft tot Dyessen een olybant by Emmen den timmerman om XI gulden IIII plack

Item gegeven Jannen den Visscher tot mijnre vrouwen aelcomme (palingkom) II gulden

Item gegeven den scutken van Gestel opten Pinxstedach doen si hair papegaeyen scoten enen hollands scilt maict II ½ gulden II plack

Item gecoft tegen Arndt Sterken VI hamel stuck X boddedragers maict VI gulden XXIII plack

Item gecoft tegen Jannen van der Hellen XX hamel stuck XI boddreger maict XXIIII gulden XVI plack

Item gecoft tgene Gheen Collaert X hamel stuck IX boddreger maict X gulden

Item gecoft tegen Peter Collaert IX hamel tstick IX ½ halve boddreger maict IX gulden XVIII plack

Item gegeven van Wichmans van C ende LXXV roeden torfs te steken ende droegh te maken dander roeden VIII vlieger maict XI gulden II ½ plack

Item verleet tot mijnre vrouwen huys bi Goverten van Middegael, Arndt her (?) ende Godert van Rode mit meer anderen doen si mijns vrouwen enen os ende enen stier gecoft hadden VII quarteren wijns die quart XLV vlieger valent XXX placken

Item tot mijnre vrouwen huys verleet doen die scep en van Gestel ende die ander gebuer ten Bosch gedaecht waren van oronden VIII quarteren wijns maict die quarte XVI vlieger, XXXIIII plack I vlieger

Item noch ingeleden (?) Jannen van Keeldonc die welc my vrouwe hem sculdich was vanden gebreken van den os, VIII boddreger maict XXXII plack

II. Somma II C IX gulden XXIIII plack I vlieger

=====foto7394=====

Ander vutgeven in dachueren van tymeringen ende andere dachueren van wercke gedaen aen die sluyse tot Herlair

Eerst Geefken Jan Duppens soen, Evertaert van IJssche, Henneken van Rode ende Heyn Ranneven (?) gedijct de dijck dair die sluyse elc V dage maict XX dage elken sdaechs IX plack op haren cost maict V gulden

Item gehuert een pleyt III dage eerde mede te vueren, sdaechs VI plack maict XXIIII plack

Item gecoft vijf hoerde den dijck mede te beslaen om I gulden

Item den tymerman, Henneken sinen brueder ende Copp en Tymermans sinen knaep dair hout beslagen ende gewelt dairmen plancken af segede

elc IIII dage maict XII dage sdaichs XIII plack maict III gulden XII plack

Item Emmen voirschreven getymnert aender sluysen alleen XXIX dage Henneken sijn brueder, Coppen sijn knaep elc VI dage maict XII dage maken te gader XLI dage sdaechs XIII plack maict XIII gulden XXIX plack

Item Jan Spaen van Buxstel aldair getymert XVIII dage ende twe nacht geoest sdaechs XII plack maict VI gulden XII plack

Item Jan Spaens vader aldair getymert III dage sdaechs IX plack maict I gulden

Item Willem Theus aldair getymert mit sunnen tymerman XVIII dage sdaechs IX plack maict IIII gulden XVIII plack

Item Heyn Domelen (Daneelen?), aen die voirschreven sluys gewraecht onder graven rossche aen te vueren XXIX dage ende XI nacht geoest (water gehoosd) elc sdaechs ende nacht IX plack ende maken tsamen XL dage maict X gulden

Item Everaet van Ijssche aldair gewraecht XXVIII dage ende XIX nacht geoest maken XLVII dage sdaechs IX plack maict XI gulden XXVII plack

Item Jan Boschmans aldair gewraecht XII dage sdaechs IX placke maict III gulden

Item Goesken Jan Duppens soen aldair gegraven rossche gestocken ende aengevuert X dage ende twee nacht geoest, maict XII dage sdaechs IX plack valent III gulden

Item Heyn Sceyven (?) soen aldair gegraven rossche aengevuert XVI dage ende XVI nacht geoest, maict XXII dage sdaechs IX plack maict VIII gulden

Item Henneken van Rode aldair gewraecht twe dage maict XVI plack

Item Wengeselle ende Theus van Haenwijk elc enen halven dach maict VIII plack

Item vervuert tot Lijsken Peter sbiden luijden die geboden waren die rossche aen te vueren van der heyden binnen acht dagen I gulden XXVIII plack

Item gecoft tegen Eelken den Molner een grote stuck houts daermen die soneplaet af gemaict heeft om VII gulden

Item tegen den selven een aud stuck houts daermen scautvancken (?) af maecken om XXIIII plack

=====foto7397=====

Item gecoft tegen Meus den Olyslager twe palen ende enen voirstyle om III gulden XII plack

Item tegen deb selven enen balc twe platen af te snyden om II gulden

Item tegen den selven enen sagebloc om een oven maict III gulden

Item tegen den selven noch twe groet sagebloc om VIII gulden

Item tegen den selven om mosse die vuegen mede te stoppen XII plack

Item tegen Willeken Theus gecoft elsen plancken om I gulden XXIIII plack

Item tegen Pouwels twe stucken houts om XXVIII plack

Item gegeven Arndt den Boese van Buxstel die mit sinen geselle aldair gesaegt heeft plancken ende andere werck elc XII dage maken XXIIII dage elken sdaechs XII plack op haren cost maict VIII gulden

Item die selve gesaegt tot Herlair twe dage op mijnre vrouwen cost elken sdaechs VI placken maict XXIIII plack

Item Gheen Vendonck mit sinen geselle gesaegt aen die voirschreven sluijse placken ende platen XII dage maict XXIIII dage elken sdaechs XI plack maict VII gulden XII plack

Item die selve twe dage scuyselen gesneden maict I gulden VIII plack

Item Claes Wal van yseren werc gebesicht aen die vorschreven sluijse, ierst van vier halve anckeren ende van vier platen daermen die style aen die stantvincken (?) mede geanckert ende gevest heeft elc stuck X plack maict II gulden VIII plack

Item II C laschyser aldair gebesicht thondert XII plack maict XXIIII plack

Item noch LXII nagel aldair gebesicht stuck enen auden swarten maict XXXI plack

Item noch XVI groter nagel daermen den sonebalt opten voerslach mede nagelden stuck VI plack maict II gulden XXIIII plack

Item noch II C scospiker thondert VI plack maict XII plack

Item om II C latnagel thondert III plack maict VI plack

Item III C vensteryser daermen die vuegen mit mosse mede gestopt heeft in die wangen daer die elsen plancken over gevuegt sijn XVI plack

Item enen groten yseren hamer wegende VI pondt die daer noch is XII plack

III. Somma C XXXII gulden XXV plack

=====foto7400=====

Ander vutgeven van tymeringen gedaen tot slaets van Herlair binnen den huysen en aender andere scuere aldair ende tot Herlair opten huysen

Eerst gegeven Henneken Peter Wijns soen ende Coppens tymermans van dat si tot Jans van Keeldonc deen scuere opgeheven ende geset hebben met enen nuwen balt die si dair in geleet hebben ende op deen side nuwe gewormdt hebben maken opscoten ende stylen dair toe dienende dair si elc over gewracht hebben XIII dage maict XXVI dage sdaechs XIII plack maict IX gulden XIIII plack

Item gecoft II ½ C latten boven die latten van Herlair dairmen die scuere van nuws mede latten thondert XV boddreger maict III gulden VI plack

Item gecoft tegen Weltken VI vymen stroes die vyme XX plack maict III gulden XII plack

Item tegen Dirc Aechten VI vymen stroes die vyme XX plack maict III gulden XII plack

Item tegen Jan Bertouts twe vymen stroes die vyme XX plack maict I gulden IIIII plack

Item tegen Peter Brocken III vymen stroes die vyme XX plack maict I gulden XXIIII plack

Item tegen Wouter Everaets twe vymen stroes die vyme XX plack maict I gulden IIII plack

Item gegeven Willeken Oijenverdes (?) ende Gheenken van Rode van XX dagen deckens elc sdaechs X placken maict V gulden XX plack

Item gegeven Dirc Belijaerts van III dagen deckens sdaechs X plack maict I gulden IIII plack

Item den selven noch VI dage gedect sdaechs X plack maict I gulden XXIIII plack

Item Jan van Keeldonc heeft geleverd XX vymen stroes die welc verdeckt sijn op dat woenuys, op dat melchuys, op die oude scuer ende op die scuer die nu gedect is ende oic IIII vymen segs (?, geen bedrag vermeld)

Item gehueret den voirschreven decker XX daege enen oeper knecht sdaechs V placken maict II gulden XXVIII plack

Item dat melchuys opgeset ende vertymert dair over getymert III dage sdaechs XII plack maict I gulden XII plack

Item gecoft tegen Jannen van Keeldonc II ½ C voet plancken dair thuyt doer mede bescoten is ende oic binnen opten sulre geleet thondert III scilden maict IIII gulden XXIIII plack

Item Emmen die tymerman getymert tot Herlair opten huys dair hi den stalle verhief sdaechs op mijnre vrouwen cost VIII placken maict II gulden

Item Willem Theus hem aldair geholpen vier dage sdaechs IIII ½ plack maict XXVIII plack

Item Heyn Der..ven.. aldair gewit ende gelat IX dage sdaechs III plack maict XXVII plack

Item gehaelt tot Clais Wael II C laschyser daermen die aude schuer mede scoerden ende bande thondert XII plack maict II scilden VI plack (moet sijn II gulden VI plack, JT)

Item aldaer gehaelt III C scospiker die welc gebesicht sijn aen de vorschreven schuere thondert VI plack maict XVIII plack



Item aldaer gehaelt XVIII C latnagel die schuer boven ende besiden mede te latten thondert III plack maict I gulden XVIII plack

=====foto7403=====

Item alnoch aldair gehaelt II C en een vierdel laschyser gebesicht inden auden stalle toe slaets van Herlair maict XXVII plack

Item Toeben melchuys te latten IIC latnagel maict VI plack

Item van gehengen aen die doeren ende aen thecken toe Herlair XVI placken

Item noch daermen slaets huys mede doer bescoet ende nagelde ende op dye sulre III C scospiker thondert VI placken maict XXIII placken

Item noch LXIII laschyser die welc gebesicht sijn toe Herlair op thuys om den auden stalle mede te verheffen maict VII  $\frac{1}{2}$  plack

Item noch aldair III C scospiker thondert VI placken maict XVIII placken

Item noch aldair II  $\frac{1}{2}$  latnagel thondert III placken maict X  $\frac{1}{2}$  plack

IIIIta : Somma V gulden XII plack

Ander vutgeven van yserwerc gebesicht aen die koerenmolen, runmoelen ende olymolen binnen der tijt van desen rekeningen

Ierste een moelenyseren gelenckt ende versteelt mit enen nuwen spoer III gulden

Item om een slot aen die moelen VI plack

Item noch vier bande om die nuwe russelen geleet XVI plack

Item een hondert bandnagel XII plack

Item den doeck versteelt XII plack

Item III C venster yser om die cupe in die runmoelen gebesicht XII plack

Item III C latnagel die camer in die coremoelen te latten IX plack

Item III C ende een vierdeel scospiker thondert VI plack maict XIX  $\frac{1}{2}$

plack

Item nogc twewerf dmoelen yser versteelt maict XXIIII plack

Item dmoelen yser noch eens gelenct ende versteelt XX plack

Item in die runmoelen den hals vanden moelen yser vermaict ende versteelt II gulden

Item in due olymolen tspoer en den doeck versteelt dairt russelen aen gheet XXII plack

Item gebesicht in die olymolen vijftich bandnagel VI plack

Item I C scospiker gebesicht op die molen op die Dungen trat dairmen boven mede op wijnde mede de nagelen VI plack

Item enen doeck aent groet yser vermaict XVI plack

Item twe nuwe doppe in die olymoelen gemaict II gulden

=====foto7406=====

Item mijnre vrouwen enen ketel gebonden VIII placken

Item mijnre vrouwen twe emers gebonden XX plack

Item XVI laschyser tot mijnre vrouwen gebesicht II placken

Item een ghamel mijnre vrouwen gemaict III placken

Item LXIII scospiker tot mijnre vrouwen gebesicht III ½ plack

Iten twe platen tot mijnre vrouwen gebesicht III placken

Item twe ketel tot mijnre vrouwen geeert VIII plack

Item enen pot mijnre vrouwen geheugelt III plack

Item een pair gehenge tot mijnre vrouwen VII plack

Item ½ C venster yser ytot mijnre vrowuen II plack

Item een groet kr.... tot mijnre vrouwen XII plack

Vta : Somma XIII gulden II plack

Andere vutgeven van tymeren ende decken opten gueden in Udenhout

Eerst Peter Vanijn (?) gegeven enen decker hem twe dage gedect XL VI plack

Item die selve enen tymerman gegeven die hem binnen ander halve dage een venster maickte ende die nagebueren (?) die gehengen dair toe dede XXIIII placken

Item die selve enen lathouwer gegeven VIII placken

Item die selve van sinen gedeelt vanden chijnsen van Loen VIII placken

Item Peter van den Scoet gegeven enen lathouwer VIII placke

Item den selven gegeven om twe gehengen VIII plack

Item die selve van sinen gedeelt vanden chijns van Loen die over jair niet betaelt en was XVI gulden

Item Heyn van Vucht enen tymerman gehadt III dage sdaechs om XL placken maict XXXII placken

Item die selve twe seger gehadt I ½ dach maict III dage sdaechs VIII plack maict XXIII plack

Item den selven enen decker gehadt I ½ dach maict XII plack

Item die selve gegeven enen lathouwer VIII plack

Item die selve van sinen gedeelt van den chijnsen van Loon die over jair niet betaelt en was XVI plack

VI ten : Somma V gulden

VII ten : Somma van alden vutgeven binnen der tijt van desen rekeninghen XII C XXXI gulden XXII plack

=====foto7410=====

Compte de Herlaer

Pour madame Marie de Randenrode, dame de Duffele et Herlaer, de 24  
avrril 1417 jusqu'au 24 avril 1418

=====foto7458=====

Kladbriefje :

M 691 Merode

=====

Einde rekening.

Jan Toirkens, Chili 31 januari 2012